



Inatsisartunut ilaasortaq Jens Napätök, Partii Naleraq
Inatsisartut Allattoqarfiat
/Maani

Avannaani pillugu § 37 naapertorlugu apeqqutinnut nr 2020/167-imut akissuteqaatit.

20-10-2020

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Jens Napätök.

Ingerlatseqatigiiffinnut Namminersorlutik Oqartussanit pigineqartuni tunisassiorfiit sananeqarneri pillugit Inatsisartut suleriaasianni § 37 naapertorlugu Naalakkersuisunut apeqquteqarputit. Apeqqutigisatit uannit akisassann-gortinneqarsimapput.

Apeqqutigineqartut ilaat sammisanut Royal Greenlandip akisussaassuseqarneranut aalajangiisinnaassuseqarneranullu piginnaatitsissutinut tunngassuteqarmata ingerlatseqatigiiffiup aqutsisuinut akissutissanik piniartoqarsimavoq.

Apeqqutigineqartut ima oqaasertaqarput:

1. Upernavik kujallermi RG-ip tunisassiorfissaa qaqugu sanalissava?

§ 37 naapertorlugu apeqqutigineqartut akiniarneranni Royal Greenland A/S-imut akissutissanik piniartoqarsimavoq taannalu imaattunik akissuteqarpoq:

””Upernavik Kujallermi nutaamik sanaartornissaq Royal Greenlandip aningaasaliissuteqarnissamut pilersaarutaanut ilaavoq. Taamaattorli paasinarsivoq 2019-imi naammassinissaa ajornartoq, pissutigalugu toqqavissamut periarfissat illersorneqarneqarsinnaasut nunaminertat nassaarinissaat ajornakusoortorujussuummat. Royal Greenlandip aningaasaliissutai covid-19 pissutigalugu unitsinneqarallarnikuupput, tamannalu suli kinguaattoornermik pilersitsivoq.

Sanaartugassap inissinnissaanut allamik periarfissarsinissarput ajornakusoor-torujussuuvoq, inerniliinerlu imaappoq, maannakkut inissiiffiusumi nutaamik

sanasoqassaaq imaluunniit nutarterisoqassaaq. Kisiannili ajornartorsiut tassaavoq, nunap qeriuaannarnerata aannera, tamatumalu kingunerissavaa iluarsartuullugu pilersaarusiarnut annertuumik akitsorsaataasussaammat Nutaamik aningaasaliissuteqarnissamut isummernissamut tunngavissiaq imaluunniit annertuumik nutarterinissaq 2021-imi sanaartornermik aallartinnissamut 2021-imi aningaasaliissuteqarnissamut missingersuummut ilanngunneqarnissaa qinnutigineqassaaq.

Upernavik Kujallermi maannakkut periarfissat pitsaanerulersinniarlugit containerit 40 fodsit 8-it qerititsiviit toqqorsivittut inissinneqarnikuupput. Taakku ukiisinneqarnerminni qerisut 200 tonsit missaaniittut imarisinnaavaat. Containeri qerititsivik aamma inissinneqarsimavoq, taamaalilluni ulluinnarna qerititsinermit piginnaasat qaffanneqarsimapput. Sumiiffimmi innaallagissamik pilersuisinnaaneq naammangimmat containeri sarfaliuut atortuulu inissinneqarput. Taakkua pitsaanerulersitsinerit 8 mio. kr.-nit missiliorlugit akeqarsimapput.

Tunisassiassanik pilersuinerit eqqarsaatigalugit qanorluunniit killilersuisoqanngilaq. 2020-imi ukiup affaani siullermi 144 tonsit tunineqarput 2019-imi piffissami tassani 258 tonsit tunineqarsimallutik. Sapaatip akunneranut tulaassuinerit siaruarneruniarlugit tulaassuinissamut pilersaarutit isumaqatigiissutigineqarput. Sanaartugaq (tunitsivik) ullormut 7-8 tonsinik tigusaqarsinnaavoq. Sapaatip akunneranut 25-30 tonsinik tunisaqarnissanik pisariaqartitsisoqassasoq sumiiffimmi tunitsivimmi pisortap nalilerpaa.”

- a. Aasaq manna Aalisaarnermut Naalakkersuisoq avannaanni angalalluni innuttaasunik ataatsimiitsinerimi oqariartuuteqarsimavoq, RG-ip Qaarsuni tunisassiorfia sanaartorneqarluni inerpat taava Upernavik kujallermi tunisassiorfissaq sananeqalerniarloq, tamanna ilumoorpa?**

Siullermik erseqqissaatigissavara, innuttaasunik ataatsimiitsitsisoqarsimangimmat. Soqutigisallit ataatsimeeqatigineqarput, tassaasut aalisartut piniartullu.

Upernavimmi Royal Greenland A/S-imi pisortap oqaaseqaataanut Naalakkersuisoq nalunaaruteqarsimavoq. Upernavik Kujallermi iluarsartuullugu pilersaarusiaq Covid-19 pissutigalugu kinguartinneqartoq nalunaarutigaa.

2. Kangersuatsiaq tunisassiorfeqarnikkut Naalackersuisut qanoq aaqqiiviginiarpaat?

Naalackersuisut tunitsiveqarfinnik tunisassiorfeqarfinnullu ingerlatsinngillat. Taamaattumik soqutiginnittut Kangersuatsiami aallartitsinissaq nammineq aalajangissavaat. Nunami sanaartukkanik pilersitsiniarluni qinnuteqartoqarpat Aalisarnermut, Piniarnermut, Nunalerinermullu Naalackersuisoqarfimmut nassiunneqassaaq, suliassaq tassani suliarineqassaaq.

Royal Greenlandip sanaartukkat pigisani Kangersuatsiami inunnut privatinut tuninikuuai. Sanaartukkamut tassunga suliniutinut tunngasut piginnittunit nutaanit aallartinneqartariaqassapput.

Apeqqutinut saqqummiunneqartunut allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen



partii naleraq

Ulloq. 30. september 2020

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquq imaattoq saqqummiuppara:

Naalakkersuisunut apeqquq:

1. Upernavik kujallermi RG-ip tunisassiorfissaa qaqugu sanalissava?
 - a. Aasaq manna Aalisaarnermut Naalakkersuisoq avannaanni angalalluni innuttaasunik ataatsimiisitsinermi oqariartuuteqarsimavoq, RG-ip Qaarsuni tunisassiorfia sanaartorneqarluni inerpat taava Upernavik kujallermi tunisassiorfissaq sananeqalerniarpoq, tamanna ilumoorpa?
2. Kangersuatsiaq tunisassiorfeqarnikkut Naalakkersuisut qanoq aaqiiviginiarpaat?

(Inatsisartuni ilaasortaq Jens Napâtök, Parti Naleraq)

Tungavilersuut:

Aalisakkanik piniakkanillu tunisassiorfiit Nunaqarfimmiunut Illoqarfimmiunullu uumataapput, taakkua piutinnagit piffinni inuuniarneq ajornakusoortorujusuusarpoq. Taamammatt Nunatsinni inoqarfinni tunisassiorfiit ingerlaavartuunissaat pingaaruteqarluinnarput.

Naalakkersuinikkut suliasaraarput nunatsinni inoqarfinni tamani innuttaasut inuuniuteqarnissamut periarfissaqarnissaat isumagissallugu.

Ullut sulliviit qulit qaangiutsinnagit akineqarnissara kissaatigaara.